



ორი სლასნი (ყასაბი). Два мясника.



№
33

1920 წ.
ივლისის 11



პირველი. მი ეტო ტაკ დელიმ: ნაპრიმერუმ ბარან ნადა რეზილ... მი სპერვა ემუ რეზილ ბუ-
 დიმ, ა პატომ შკურა სნიმალ ბულიმ... გოლი ბარან ნა ტაქკა პლაჟილ, დლია შტოპი მისნოი
 ლავკა ატრაელით, ა შკურა სემე სახრანილ ბულიმ... მი ტაკ დელიმ... ა ტი, ტავარიშხ, კაკ, ჰა?
 მეორე. Я не понимаю... какъ это?... безъ чревычайки, что-ли, работаете?
 პირველი. კაკოი ჩრეზვიჩაიკ, ნიკაკოი ჩრეზვიჩაიკ მი ნე ზნაიმ...
 მეორე. Ну, братъ, у васъ, я вижу, неправильно того... Безъ чревычайки нигакъ невозможно,
 (იხილ მეორე გვერდი)

потому—незаконно выходить. У насъ вотъ какъ: скажемъ чрезвычайка приговорила... ну, я иду за нимъ, то есть, за приговореннымъ, сзади, вотъ съ этимъ револьвертомъ... прикладываю къ затылку, бадъ, и готово, ха-ха-ха! а дальше все такъ же, какъ и у васъ: снимаю шкур... то-бишь одежду и обувь... убитый трупъ на тачку, а одежду—себѣ, ха-ха-ха! Только безъ чрезвычайки никакъ не можно, потому,—это законъ такой... у насъ безъ закона ничего не бываетъ...

„ბათუმის გარშემო.“

„ბათუმი და მისი ოლქი საქართველოს ჩვენ მივეცი“ (კომუნისტი)

ამას ტრაბახით არ მოგახსენებთ, მაგრამ ყველაზე უფრო ძნელი ხელობა—ისტორიკოსობაა.

ოჰ, რა ძნელია, რომ იცოდეთ ისტორიის წერა!!!

საზოგადოთ ისტორია პირუთენელი უნდა იყოს, ამისათვის კი საჭიროა ისტორიკოსის იმდენი თვალი მაინც ჰქონდეს, რამდენიც ფუტკარს და ამდენივე ყურიც თვალთან ერთად.

თუ ისტორიაში რაიმე ვერ განსჭვრიტე და აგრეთვე თუ რაიმე ვერ განსმინე, შენი მტერია! მშვიდობით მაშინ პირუთენელობავ.

აი ახლაც, მთელი ქართული პრესა „ერთობიდან“ დაწყებული ვიდრე „სახალხო მღე“ და იქითაც დაიხრებით გაიძახიან:

— ბათუმი და მისი, ოლქი ქართველმა დემოკრატებმა ბრძოლით, დისკოლინიით, თავგამოდებით და გონიერული პოლიტიკის წარმოებით მოიპოვაო. მე კი ვამბობ:

— ბათუმი ქართული კომუნისტების ნაბომბია. ამ ჩემს აზრს წარმოიდგინეთ თვით კომუნისტებიც კი არ უარყოფენ.

ამ გარემოებას ისინი „ხაზსაც უსვებენ“.

უკუ ვავდით, მოქალაქენო, თავმოყვარეობა და საქმეს ისტორიკოსის თვალთა ხედვის ისრით შეგხელოთ.

1917 წელს დღევანდელი კომუნისტები სოციალ-დემოკრატები იყვნენ და სხვა სოციალ-დემოკრატებისგან გასარჩევან თავის თავს „ბალშევიკებს“ ეძახოდნენ. სხვებიც ასე ეძახოდნენ მათ.

აი ამ ბალშევიკებმა იმ 1917 წელს ქალაქ ბრესტ—ლიტოვსკში გერმანელებთან შეპყრეს ზავი, რომელსაც სხვა ხელშეკრულებათაგან გასარჩევან ეწოდა „პოხაბნი მირ.“ (ქართულად „სასახელო ზავი“).

ვინაიდან თათრები გერმანელების მოკავშირენი იყვნენ, მათი გულის მოსაგებათ ბალშევიკებმა ოსმალეებს ბათუმის, არტანის და ყარსის ოლქები უფეშქაშეს.

ღიახ, გერმანელების მოსამადლიერებლათ მის მოკავშირე თათარს ბათუმი და მისი ოლქი საჩუქრად უბოძეს.

როგორც ხედავთ აქ აშკარათ სჩანს ბალშევიკების სურვილი: ბათუმი და მისი ოლქი საქართველოს დარჩენოდა.

ეს „პოხაბნი ზავი“ მათი პირველი ცდა იყო საქართველოს გასაბედნიერებლათ. ღიახ, ამას მე დაგიტკიცებთ.!

ბოლშევიკებმა იცოდნენ, რომ საქართველო უბრძოლოდ არ დასთმობდა ბათუმს და რომ ქართველი ხალხი ბრძოლაში გამოარწობილიყო, კომუნისტებმა გაუჩინეს ბრძოლის გასაჩაღებელი მიზეზი: ბათუმი თათრებს გადასცეს.

აი რა ძნელია ისტორიულ ხლართებში გარკვევა!

მაგრამ ბოლშევიკების საქართველოზე მზრუნველობა მარტო ამით არ დასრულებულა. ამით მხოლოდ დაიწყო.

ბოლშევიკებმა ჩინებულათ იციან, რომ რაც უფრო ძეტი საფრთხე მოელის ერს, მით უფრო ეწრთობა მისი ორგანიზმი, მით უფრო კაჟდება და საუკლდედება მისი გული. ეს აქსიომაა!

ამიტომ, როგორც კი დაიწყო ბათუმის გარშემო ომი ქართველთა და თათართა შორის, ბოლშევიკებმა ჩვენი ენერჯის გამოსაცდელათ და ჩვენი ხსიათის განსამტკიცებლად **ცხინვალის რაიონში პირველი აჯანყება მოგვიწყვეს.**

უბრალო მაყურებელი ამ აქტს მოალატეობათ, ზურგში მახვილის ჩაცემათ, სამშობლოს გაყიდვათ, ვერაგულ საქციელათ და სხვა ამ გვარ არა სასახელო მოქმედებათ ჩასთვლის, მაგრამ მე, როგორც ისტორიკოსს, არ შემშვენის ეს საერთო აზრი გავიზიარო.

ბათუმის დასახსნელათ გამგზავრებული სახალხო გვარდია ცხინვალს ეკვეთა. იქ კი ბათუმის ფრონტზე ქართველი მეომრები უთანასწორო ბრძოლაში სისხლიდან იცლებოდნენ.

ქართველმა დემოკრატებმა, როგორც მოგვხსენებთ დააცხრო ცხინვალის აჯანყება. გვარდია გაემართა ბათუმისაკენ. ცხინვალის აჯანყების მოწყობა და ახალგაზრდა გვარდიის მიერ მისი ჩაქრობა, ბალშევიკების პირველი გამარჯვება იყო. მართალია, მათ დიდძალი რუსული ფული და ქართული სისხლი დაეხარჯათ ამ ცხინვალის პირველ გაკვეთილზე, მაგრამ გვარდიას საკმაო გამოცდილება ბრძოლისა შესძინეს და ეს ხომ ხუმრობა საქმე არ იყო.

ცხინვალიდან ბათუმისაკენ გამგზავრებული რაზმი ვალიკო ჯულელისა ბოლშევიკებმა კინალამ მიუშვეს ბათუმამდე. რაზმი უკვე სამტრედიისში იყო მისული, რომ ბოლშევიკების გულში კვლავ გაიღვიძა საქართველოს სიყვარულმა, კიდევ მოისურვეს ახალი გაკვეთილის მიცემა და **მოახდინეს სამეგრელოს აჯანყება.**

გაბალშევიკებული მეგრელები გაიძხოდნენ:

— ვერ მოგვატყუებს საქართველოს მთავრობა, თათრები ჩვენი ძმები არიან, ჩვენ იმათთან საჩხუბარი არაფერი გვაქვს, ჩვენ იმპერიალისტები არა ვართ.

მეგრელების ასეთ განვითარებაზე, რა თქმა უნდა ბოლშევიკებს დიდძალი რუსული ფული და ქართული სისხლი დაეხარჯა, მაგრამ ისინი სხვისას არასოდეს არაფერს არ ზოგავდნენ, რისთვისაც ისტორია საბოლოო ფურცელზე მათ დიდ მადლობას ეტყვის.

თფილისის გვარდია ბათუმის გზიდან სამეგრელოსკენ მიბრუნდა აჯანყების ჩასაქრობათ, ხოლო ბათუმის მიდამოებში ქართველი დემოკრატიის სისხლი უხვად იღვრებოდა უთანასწორო ბრძოლაში.

მკითხველი, რომელიც მხოლოდ იმას უჯერის რასაც თავისი თვალით ხედავს, სამეგრელოს აჯანყებას ქართველ კომუნისტებს მოლაპტევობათ, ზურგში მუხანათურათ, სამშობლოს გაყიდვით იუდაისკარიოტელობათ და სხვა ამგვარ არა სასახლო მოქმედებათ ჩაუთვლის, მაგრამ მე, როგორც ისტორიკოსს, რასაკვირველია არ შემეფერის ამ ახირებულ მოქალაქეთა ფსიხოლოგიურ ფერხულში ჩაშბა.

ჩემი აზრით ბოლშევიკებმა იმისთვის მოატყუეს მეგრელები, იმისთვის დახარჯეს მათზე იმდენი რუსული ფული და იმისთვის მიუსიეს მეგრელები ისედაც სისხლიდან დაკლილ მოძმე ხალხს, რომ უფრო მეტი გამოცდილება შეეძინა, როგორც ქართველ ხალხს, ისე მის მხედრობასა და მთავრობას.

მრავალ რიცხოვანმა და გამარჯვებულმა ოსმალომ აიღო ბათუმი, მისი ოლქი და გურიის ნაწილი.

ქართული ბოლშევიკები სიხარულით ცას ეწეოდნენ (რუსულები მით უმეტეს!) ისინი ამბობდნენ:

— აი ახლა მიგნევიან ბრძოლას ქართველები, ახლა შეიძენენ ნამდვილ სამხედრო გამოცდილებასო.

მაგრამ ხომ მოგეხსენებათ ქართული ანდაზა: „სწავლა კაცს სიბერემდის არ მოსჭარბდება“.

საქართველო ბოლშევიკებს ისე უყვარდათ, რომ მარტო ამ ორ გაცვეთილს მას ვერ აკმარებდნენ. მსხვერპლს ისინი არასოდეს არ ერიდებიან.

და აი, როცა ქართველი ჯარი ჩოლოქის მიდამოებში თათრის ბრბოებათან სამკედრო სასიცილოცხლო ომს აწარმოებდა, ბოლშევიკები მის ზურგთ უკან, აფხაზეთში ახალ აჯანყებას აწყობდნენ, მდინარე კოდორთან თავისი მეგობრების, თათრის დესანტის გადმოსხდომასაც შეუწყვეს ხელი, რომ ამით უფრო განევითარებიათ ქართველი ხალხის ბრძოლის ენერგია.

ქართველმა დემოკრატებმა რა თქმა უნდა ეს

გამოცდაც დაიჭირა და ბოლშევიკების ბრბოები ტუაფესს იქით მთებს გადალმა გადაჰყარა.

უბრალო ქართველი ამ აჯანყებასაც მოლაპტევობათ ჩაუთვლის ქართველ კომუნისტებს. მაგრამ როგორც ისტორიკოსს, უფლება არა აქვს ეს აზრი გავიზიარო. ისინი ე. ი. ქართული კომუნისტები სოხუმის აჯანყებასაც იმისთვის აწყობდნენ, რომ ქართველ დემოკრატიას სავარჯიშო საქმე ჰქონოდა.

თათრის ჯარი ბათუმის ოლქიდან ჯავახეთსა და ბორჩალოში შემოიჭრა. ბრძოლის ფრონტი თფილისის ახლო შემოიხზა. ქართველი დემოკრატია გააფთრებით იბრძოდა.

რასაკვირველია არც ბოლშევიკები ცხრებოდნენ.

საქართველოს გასამხნეველბათ მათ მოაწყვეს დუშეთის აჯანყება. საშა გეგეკუარი მეგრელ-სვან-ლენჩხუმელ ყაჩაღთა რაზმით ჩრდილო კავკასიაში გადავიდა, იქ (კავკასიაში) ფილიპე მახარაძის ლოცვა-კურთხევა მიიღო და დარიალის მხრიდან საქართველოს შემოესია.

დღევანდელი ოთარ-ბეგი კიროვისა, სერგო ქავთარაძე მაშინ, როგორც ამბობდნენ, დიდი ჩემოდნით რუსულ ფულებს ანაწილებდა აჯანყებულთა შორის. ამგვარათ თავისი წვლილი თითქმის ყველა კომუნისტს შეჰქონდა საქართველოს განმტკიცების საქმეში.

ქართველ ხალხს დიდი ენერგია და შრომა დაეხარჯა ამ ყაჩაღთა ბრბოების უკუქცევისა და განადგურებაზე, მაგრამ გამოცდილებაც დიდი შეიძინა, რასაც ასე დაუზოგველად ცდილობდნენ ქართველი კომუნისტები.

არც ამით დამთავრებულა ქართულ კომუნისტების ღვაწლი საქართველოს წინაშე.

იმათი მეოხებით მოწყეო საერთო აჯანყება საქართველოში შინაური ფრონტის გამოსაცდელათ. იმათი მოღვაწეობით გაჩაღდა საქართველო—ადერბეიჯანის ომი.

იმათი მოღვაწეობით მოხდა სამხედრო სასწავლებელზე თავდასხმა.

იმათი მეოხებით დაიწყეო და განვითარდა ოსეთის მესამე აჯანყება.

იმათი დაუღალავი შრომით მზადდება მომავლისათვის არა ერთი და ორი მსგავსი წარსულისა გაცვეთილი ჩვენი ქვეყნის საკეთილდღეოთ.

მადლობა ღმერთს, რუსული ფული ჯერ კიდევ უხვად მოეპოება ქართულ კომუნისტებს.

ამგვარათ, ბოლშევიკ—კომუნისტებმა საქართველოს განსამტკიცებლათ ჩვენი ქვეყნისათვის მძიმე სა და ჯოჯოხეთურ პირობებში მოგვიწყვეს:

- 1) ცხინვალის პირველი აჯანყება.
- 2) სამეგრელოს აჯანყება.
- 3) აფხაზეთის აჯანყება.
- 4) დუშეთის აჯანყება.

- 5) საერთო შინაური აჯანყება.
- 6) სამხედრო სასწავლებელზე თავდასხმა.
- 7) აღიზნებიჯანთან ომი.
- 8) ცხინვალის შესამე აჯანყება.
- 9) აქარის აჯანყება და სხვა მრავალი.

და დღეს, როცა ბათუმი და მისი ოლქი საქართველოს დაუბრუნდა, ნუ თუ გამოჩნდება ისეთი უმადური ქართველი, რომელიც იტყვის: ბალშევიკ-კომუნისტებს საქართველოს განთავისუფლების საქმეში თავისი ღვაწლი არ მიუძღვითო.

ასე ძნელია, მოქალაქენო, ისტორიულ ლაბირინტში გზის გარკვევა.

ისტორიკოსი.

შექანჯახლებულის ღექსები.

ალილოუია, ალილოუია,
 ალილოუია ხუკესო...
 ეხლა რით ჰყორავ მუკელსო?!
 ალილოუია, ალილოუია.
 ალილოუია შენ ღმერთო.
 მომხედე ჰკუა წამერთო.
 აჰა, ჰკუდიდან ვიშლები.
 ცხვირზე ამომდის ვაშლები...
 მცივა, დამხურეთ თავშლები...
 არ მოგწონთ თქვენ შეშლილები...
 და არც შექანჯახლება...
 მაგრამ ტყუილად ირჯებით!..
 აღიდეთ ყველამ გიყები...
 აღიდეთ!—მათ ჰკვა დაკარგეს...
ჰკვა ჰქონდათ და ის დაკარგეს...
თქვენ რა გაქვთ? რაღა დაკარგათ.
 რაც არ გაქვთ, მას ვერ დაკარგავთ.
 ჩვენ ცხვირის წვერზე ხეს დავრგავთ..
 ეხარობ, არავინ ჩვენ არ გვგავს.
 ჩვენ ქვეყნად ტოლი არსად გვყავს...
 აჰა! აღიდეთ გიყები...
 აზავთებული ვაყები...
 გავიძროთ ფეხზე სანდლები...
 ეხლა ვადიდოთ ჩვენ ღვდლები
 საეკლესიო კრებული
 ქრისტესგან შავ-კუპრ ცხებული—
 შავ ზრახვით აცეცხლებული...
 გამიკცხვენ, მფიქრება,
 მაგრამ ფიცავ, იგი კრება—
 ეხლაც ტვინში მძლეთ მეტრება..
 არ დავწერო არ იქნება..
 ერთხელ მხოლოდ ისიც ცხადში.
 ისიც ცხადში არ სიზმარში,
 ქვემოლ, ქაშვეთის ტაძარში
 ქართველ მღვდელთა ვნახე კრება.
 (ფიცავ ეხლაც გულს მეყრება..)
 ფრთხილად! არვინ წამისიო?

ეს კრება საეკლესიო,
 ჰფუ! შერცხვეს უკეთესიო,
 მსგავს ვერ სჭერეტ, რაგინდ ეძიო.)
 ტახტზე იჯდა ლეონიდი,
 სულ გრძელობით მყარი, დიდი...
 მარჯვნივ ამვროს ჯდა... ურბნელიც,
 ვსჭერეტდი, ვსტკბებოდი სულ-ბნელი,—
 მარცხნით იმერთა ნაზარი...
 მოხუცი ტბილი, ნახ არი...
 ვით დეზეტირთა ბაზარი,,
 კრება სჯდა ანაზანზარი...
 ჰქუხდა, დრტვინავდა, გრგვინავდა,
მუცლის შესახებ ღრინავდა,
 მათ თვალში რისხვა ბრწყინავდა,
 ეს მეტად მე მაშინებდა...
 ღვდლები რომ შეგვაგინებდა
 კრებული გაიცილებდა ..
 ბეგრს რამ ვეტყვი, ვინც მოიცილის...
 ათას ცხრაას შედმეტი წლის
ღებულეებს სწრაფლ ეკვთეს,
 და ასე გადააკეთეს:
 ოთხ ფორმულით არჩვენები
 მოსრეს, დაუშინეს ქვეები,
 სთქვეს: „აჟ კათალიკოსები,
 ყველა:—ეზისკოპოსები,
 მღვდელ-მთავრები, და თვით ღვდლები,
 (ერის ბჰენი და კედლები)
 კრებულს რათ ავარჩევით?
 ჩვენ დაგნიშნოთ გვირჩვენია—
 — წარმოადგინონ თხოვნები,
 და ღირსი კი ვინც იქნები,
 ლეონიდი ხელს დავადებს,
 მორწმუნეთ უწინადადებს
 რომ ის პირი აირჩიონ...
 თუ გინდ შავი თეთრს არჩიონ...
ძირს არჩევა ოთხ ფორმულით!
 უზრუნველ რად არ გვყვეს ფულით?
 მორწმუნეთ რეფერენდუმი
 არ გვსურს... არ გვაძლებენ დუმიტ!...
 სჩანს, ერი გახდა ველური,
 არ გვსურს კოლევკიალური
 ორგანონი... სთქვეს და მოსპეს!
 რალას ეტყვიან მეუფეს?!
 სევდა მტანჯავს ეგზომ მწველი,
 რომ ბრახისგან სულ ცხვირს ვწველი.
მღვდელ მთავრებს შეუზღუდველი
 მიანიჭეს იქ უფლება...
 და შექმნეს მყის მონარკები...
 მიტომ მიინდა მათ ეკრა რკები...
 ზოგს მუშტები, ზოგს ჩლიქები...
 (როგორ გაძვირდა ჩულქები?)
 გაიგე ძმავ იავროა?
 დაადგინეს: ანაფორა

ყველგან ატარონო ღვღღებმა...
 (ისინი კი სჯამოს მგლგებმა?)
 ეს უნდა უთხრა ბურბულოს:
 ისევ უნდა ვიმარხულოთ
 იქ აი, რა დაადგინეს:
ყველა მარხვა ადადგინეს,
 რადგანც ურწმუნო მორწმუნეთ,
 ხორცი ველარ დაუთრგუნეს,
 აღდგესო ისევ მარხვები.
 (ხომ მოგწონთ მათი ზრახვები?)
 დღეს სოფლებში ძმავ მორწმუნე,
 ამაში შენ დამერწმუნე
 ხორცეულს სქამს დღე-და-ღამე,
 და ქონისგან თურმე გიჟობს,
 ვიმარხულოთ ისევ გვიჯობს,
 სულ ყველა დიდი მარხვები—
 (თუნდაც ვქამოთ უმი ქვეები)
 ვიმარხულოთ ოთხშაბათი,
 გადაგვრჩება ყველი ათი.
 ხანდისხან ღვღღებს გაუხსნილოთ,
 ჩვენ ჩავიმხრალ-ჩავიწნილოთ,
 ვიმარხულოთ პარასკევი,
 ვღეშოთ მშიერ კუჭზე კევი,
 ხორცი ვტანჯოთ, ხორცი ვგვემოთ,
 ხორცეულს ნუ უმცნობთ გემოს.
 და მით სული გავაბრწყინოთ...
 დღეს მშიერ მღვღღებს მოუღხინოთ)
 მონარქისტულ ეკლესიას
ჩაუყარეს საფუძვლები...
 მოენატრათ ბატონის ძვლები...
 საკურთხები და ღვეძლები...
 ხაჭაპურები, კვერცხები.
 რაექნათ, თუ ღვღღებო ვერ ძღვებით,
 შამოგეცალათ მორწმუნე,
 ეხლა კი უფრო მერწმუნეთ
 ასე დააფრთხობთ მორწმუნეთ
თქვენ ისევ ის ხართ, რაც იყავით,
ამით მორწმუნეთ გარიყავთ
 დღეს თქვენს ერს დემოკრატიულს,
 სძღვნით წესრიგს თლად მონარქიულს...
 მაშ.. აბიბინდით ტყე-ველნო...
 და თქვენ კი კათაკმეველნო,
 სჯობია, დროზე განვედით,
 ნუ სტანჯავთ თავ ტყუილი იმედით.
 სკოლებს ხელ ნუ უფათურებთ,
 კმარა რაც აუბედურეთ...
 კვლავ ვასწავლოთ საღვთო სჯოლი?
 (თფუ! კი გაწყდა თქვენი რჯული...
 იქ ქვეა თხელ მაშინაშვილმა, კოლ
 ერის ხორცმეტ უშნო შვილმა,
 უქმეებო ადადგინა
 სულ გაკიცხა, სულ აგინა
შოვინისტი მინისტრები,

უქმეების მკაცრი მტრები,
 და დაუკრეს ერთხად კვერი...
 და რომ ხშირად სეფისკვერი
 სჯამონ, შეიფურჩქნონ წვერი,
 უქმე ყველა ადადგინეს...
 ილრიაღეს, მოიღხინეს...
 ბევრი იცნობთ იმას მგონი:
 გიქი შამა იასონი—
 იასონი კაპანაძე
 ვერსად ნახოთ ქვეყანაზე
 მის საბადლო, მისი მსგავსი.
 (შევაქაზე ქვა და ხავსი)
 სთქვა: „მამანო! ნიაღვარი,
სეტყვა, ქარი, თუ რაც არი
მიწისძვრამ რომ მოსპო გორი,
 (არ გეგონოთ თქვენ ეს კორი)
 ეს ურწმუნოთ ბრალიაო...
 რომ არ გწამთ უფლიაო,
 ყანას მომკის კალიაო,,
 ქმრებს ღალატობს ქალიაო...
 ნაცვლად ღღღღმა იპერღმა,
 მოსასმენად საყვარელმა
 ლოცვის კითხვით დაგვიმტკიცა,
 თუ რწმენა ვით გაიმტკიცა
 იმერეთში მორწმუნენმა...
 და სთქვა ეს იმ შესარცხვენმა:
 ჩვენში დადის ქაღებიო,
 სოფლად ფენშიშველებიო,
 ლოცვით, ხოხვით, ცრემლთა ვრქვევით,
 აღმა-დაღმა, ზევით, ქვევით,
 და ერს ღმერთს ავედრებენო,
 მიტომაც იმარჯვებენო,
 ჩვენი ლოცვით ჩვენი ჯარი...
 ჩარი, რამა, ბოშო, ჩარი...
 გავავროთ ფანჯი ჩარი,
 არ მოვიდეს იაგნები,
 თორემ ნაწყენი ვიქნები...
 ღვღღებმა შექმნეს წმინდანები
 (კისერში მათ ხვალ-დანები)
 და რა ნახეს ხალხი სოფლად,
 უპატრონოდ, საწყლად ობლად,
 წმინდანები მიუსიეს...
 ამაგრებენ ცკლესიას...
 მწამს, კორი არ გეგონებთ,
 დაადგინეს, რომ ქონება,
 რაც კი ქონდა ეკლესიას,
 შევადგენთო იმის სიას,
 დაგვიბრუნდეს ისევ ჩვენო,
 (ეჭვ, ღმერთმა თქვენ შეგაჩვენოს)
 ხალხის დოვლათს ვინ მოგართმევთ.
 მუქთად ლუკმას არვინ გაქმევთ,
 რა გინდ იწუწუნ-იტიროთ!
 თუ ვისთვისაც ხართ საქირო,

(არ საღბინო და საქირო)
 ემსახურეთ და ის გაქვეს...
 ის ჩაგაცმევს, იგი გასმევს,
 რა უყოთ, თუ აღარ გეყოთ...
 რა ვქნათ თუ ვერ გაიბეყოთ
 ძველებურათ თქვენ მუცელი..
 აღარ არის დღეს დრო ძველი..
 სხვა ღმერთი გეყავს სალოცველი...
 შემიწუხდა სული-გული.
 მომავლეეთ, გთხოვთ ყინული...
 აბა მსხალი, დული, დული..
 დავაწყნარეთ ყველა ოსი...
 მხოლოდ სთქვეს: ებისკოპოსი
 ვერც აწ შეირთავს ცოლსაო,
 ერთი ცოლი მას რას არგებს,
 გაიჩენს წყვილს და ტოლსაო,
 პავლე მოციქულს თუმც უთქვამს:
 „ქმარ იყავთ ერთი ცოლისა;
 მაგრამ ჩვენს ებისკოპოსებს
 მადა აქვთ ბევრთან წოლისა...
 ხომ იცი, შენ კიკოლაო,
 ჩათრევეს სჯობს ჩაყოლაო...
 გადასწყვიტეს სახელმწიფოს
 ეკლესია გამოეყოს...
 და უარი არა ვინ ჰყოს
 რწმენას თავისუფლებასო..
 ეკლესიის ქონებაზე
 კვლავ ვიტოვებთ უფლებასო..
 იცი, სოსიკო, გოგია?..
 იქ შექმნეს დემაგოგია,
 ლეონიდემ მღვდელ-მთავრებით:
 სთქვეს: „ხალხს არ ემსახურებით“
 არცა-ვწირავთ, არც ვიუქმებთ,
 თუ ეხლავ არ გააუქმებთ
 არჩევნებს ოთხ-ფორმულიანს!!
 აბა, წმინდანთ და მადლიანთ,
 მამებს უარს ვინ კადრებდა..
 სულ, ყველანი ნეტარებდა
 და გაუხთენ მათ თანახმა...
 და აბტუნეს აღმა-დაღმა,
 იმათ კრება სამღვდელთა...
 სთქვეს: კვლავ მღვდელმა თუ ილოთა,
 ჩიქრს მოგვცხებსო, შეგვარცხვენსო,
 ტოლუმბაშათ ნუ დავდგებით,
 ნურც მივიღებთ ნურგინ ძღვენსო,,
 მხოლოდ მოგვცენ ჯამაგირი,
 რომ ავიღოთ მალლა ცხვირი,,
 (საკურთხის არ გვიწვდება პირი)
 ვართ ყველაო ანატირი...
 და რა სასოწარკვეთილი
 ანატირი, აკრემლილი,
 ლეონიდემ ნახა კრება,
 ადგილით წამოიჭრება,

კრებულს ასე ანუგეშებს:
 „ნუ სწუხობ, ნურგინ ნუ იგვენებთ,
 უიმედო ნუ იქნებით,
 მომდის მორწმუნეთ თხოვნები,
 სჩანს დღითი-დღე მრავლდებიან,
 დახმარებას გვპირდებიან—
თუმც ურწმუნო ერობები,
 ხშირად გზაზე გველობება...
 თუ ჩვენს შორის გეგეყვებათ
 თუ არს ვინმე, ვსთქვათ ურწმუნო,
 ვალი არის რომ იზრუნოთ
 მყისვე მე აქ მომახსენოთ...
 რომ ურწმუნოს გზა უჩვენოთ..
 დავრჩეთ გულ დანამწვიდები
 დავრჩეთ გულ დანამწვიდები..
 დაფაცურდენ ჯამუშები..
 და დემოკრატ ღვდლებს ზვერავდენ,
 უბის წიგნში, იწერავდენ...
 კამათლებო! აბა ჩარი...
 ჩარი, მარტე ფანჯი—ჩარი..
 ხომ ხედავ, რომ მე ვინჩარი..
 დამიბერავს თავში ქარი
 გამივამდებთ ფანქარი...
 ვიშ, ვითავებ, ცოტა მრჩება:
 გერასიმე არ დამრჩება
 იმნაიშვილად ცნობილი...
 მისგან ბევრჯერ მოვისმინე
 სიტყვა მღვდლებისათვის ტკბილი...
 და დემოსის მართველებს კი
 ხშირად ვაკრა აქ-იქ კბილი,
 გერასიმე იმნაშვილი,
 „უჩიტელ“ მამინაშვილი,
 რაც მამანი, იგიც შვილი
 მასთან გიორგ დავიდოვი..
 კრებულთ საბჭოს სეკრეტარი..
 ჰკვავზე შეცდა ის ნეტავ რით?
 სჯობს მივბეგვოთ იგი ყავრით..
 თითქმის იგი მორწმუნეობს,
 ღვდელ მთავრებთან კი ბუზმენტობს,
 საღაც ნაირად აგენტობს
 „საიდუმლოებს“ აგროვებს,
 და ვისაც კი ის უდროვებს,
 საღაც ჯერ არს მოახსენებს.
 ერთგულობას მით უჩვენებს..
 კამათლებო! შაში. შაში!
 გამიცვიდა ტვინი ჰკვავში,
 ჯავრით ცხვირი გახდა გრძელი..
 და ველ...
 ხომ მის გინდათ ერობა-ყველი?!

შექანჯალეზული.

პატარა ფელეტონი. მოსალოდნელი უამღურება.

უნდა მოგახსენოთ, რომ მე ამიერკავკასიის პარტიოტი არ ვახლავარ. ჩემი ასპარეზი ორში ერთია: ან მსოფლიო, ან საქართველო.

მიუხედავად ამგვარი პრინციპიალური შეხედულებისა მე მაინც ძლიერ მაფიქრებს ჩვენ მეზობელ რესპუბლიკათა ბედი. აღიბრუნებინა მიერ უმანკოების, (ანუ უკეთ ვსთქვა დამოუკიდებლობის) დაკარგვა ლახვარით მოხვდა ჩემს გულს, ხოლო მოსალოდნელი შეტაკება სომხეთსა და აღიბრუნებულ შორის მწარე ფიქრებით ავსებს ჩემს არსებას.

შეტაკება და სისხლის ღვრა კი ამ ორ მეზობელ და მოძმე ერთა შორის პირდაპირ აუცილებელია.

ისეთი რთული საკითხი დაისვა ორ მეზობელ მოსიყვარულე და მონათესავე ერთა შორის, რომლის გადაჭრა მხოლოდ და მხოლოდ ხმლით შეიძლება, ვინაიდან აქ სხვა საზომი ყოვლად მიუღწეველი და გიმოუსადევარია.

მე მოგახსენებთ გაცვლა-გამოცვლის საკითხის შესახებ.

როგორც ვაზეთები ვაუწყებენ სომხეთსა და აღიბრუნებულ შორის საკითხი აღიძრა ტყვეების გაცვლის შესახებ. სომხეთს დატყვევებული ჰყავს კომუნისტები, ხოლო აღიბრუნებულს დაშინებულნი. საჭიროა მათი გაცვლა-გამოცვლა.

გაცვლა-გამოცვლის საკითხში, როგორც მოგეხსენებათ ეკვივალენტის როლს ფული ასრულებს და მიუხედავად ფულის ფასის სხვადასხვაობისა მაინც მოსახერხებელი ხდება ერთი მეორის შეფარდება და კურსის აღდგენა.

მაგრამ დამერწმუნებით რამდენათ ძნელი უნდა იყოს დაშინებულებისა და ბოლშევიკ-კომუნისტის კურსის გარკვევა. აქ ვალიუტის საკითხი ძლიერ ქანაობს და გეჭვობ თვით თუ გამოცდილმა სპეკულიანტმა გამოარკვიოს თუ რომელ ამთგანს უნდა მიეცეს უპირატესობა. ამიტომაც დამეკარგა იმედი მოლაპარაკების მშვიდობიანათ გათავებისა.

წინასწარი მოლაპარაკება ბ-ნ ბეგზადიანსა და გუსეინოვს შორის უკვე დაიწყო ჩვენს ღდა ქალაქში. მოლაპარაკებას, რომლის შინაარსსაც დაახლოვებით ქვემოთ გადმოგცემთ სასურველი პირი არ უჩანს, ვინაიდან ვერ გამოინახა ისეთი საზოგადო თვისება გარდა ავანკობისა (преступность) რომლის მიხედვითაც შესაძლებელი ყოფილიყო ამ ღირებულობათა შედგენა. პირველი მოლაპარაკებაც ამ ნიადაგზე სწარმოებდა.

ბ-ნი ბეგზადიანი. პატივცემულო კოლეგა! ჩემს აზრით თითო კომუნისტში უნდა დაგვიბრუნდეს ხუთი დაშინებული, როგორც თანაბარი ღირებულება ერთი კომუნისტისა. თუ თქვენ საწინააღმდეგო არაფერი გაქვთ, მე ჩვენს გადაწყვეტილებას ვაცნობებ ჩემს მთავრობას ერევანში.

ბ-ნი გუსეინოვი. ძვირფასო მეგობარო! ჩემი შეხედულებით თქვენი მოსაზრება ყალბს ნიადაგზე აგებული და ჩემთვის სრულიად მიუღებელია. თუ ავანკობის (преступность) პრინციპს მივიღებთ საფუძვლათ თითო დაშინებულ კომუნისტს ხუთი კომუნისტი უნდა დაგვიბრუნოთ. ნუ თუ თქვენთვის აქ საეჭვო ელემენტი კიდევ არსებობს რამე.

ბეგზადიანი. როგორ? ეს რა მესმის, ამხანაგო? ნუ თუ ერთი კომუნისტი, ის კომუნისტი, რომელმაც მთელი რუსეთი დაანგრა, რომლის მიზნით უსაზღვრო რუსეთის სივრცე-სივრცე მხოლოდ ოხერა და კენესა გაისმის, რომელმაც ასი წლით უკან დასწია რუსეთის ცხოვრება... ნუთუ ასეთი კომუნისტი სამ დაშინებულ კომუნისტს არა ღირს? მეტის დაკლება არ შემიძლია.

გუსეინოვი სწორედ გაუგებრობაა. მე წინათვე ვიცოდი, რომ სომხეთი ასეთ აშკარა და უდავო საკითხსაც სადავოთ ვახდიდა. ნუთუ თქვენთვის საიდუმლოებას შეადგენს, მეგობარო, ამ მხრივ დაშინებულებათა დაშინებულება. ვისი მიზნით არის, რომ მთელი სომხის ერთი თითქმის ბოგანო და წამებული შეიქნა? ვინ არის ის ბოროტი გენია, თუ არ დაშინებულნი, რომელმაც მოინელა ეს ხალხი, რომელმაც ზღვა სისხლი და ცრემლი აღინა სხვასაც და თავის ერსაც. მე არ მეგონა თუ აქ საგაჭრო და სახათაბალო ვახდებოდა ამ ნათელი კითხვის გადაჭრა. ერთ დაშინებულ კომუნისტში ორი კომუნისტი! ეს ჩემი უკანასკნელი სიტყვაა.

ბეგზადიანი. სრულიად გულდამშვიდებით ვისმენ თქვენს სიტყვებს პატივცემულო მეზობელო. მე ვიცოდი, რომ აღიბრუნებულნი არ მოსურვებდა სომხეთთან შეთანხმებას, ვინაიდან მას სხვა ფარული ზრახვანი ასულდგმულებს. მთელს მსოფლიოში არ გამოჩნდება კაცი, რომელმაც ჩვენს წინადადებაში საეჭვო და გადამეტებული დაინახოს რამე. სრულის შეგნებითა და პასუხის მგებლობის გრძნობით აღტუროვილი ვღვები დათმობის გზაზე, გაძლევთ ჩემს უკანასკნელსა და ურყევ წინადადებას: ერთი კომუნისტი მიირთვიეთ, ორი დაშინებული დაგვიბრუნეთ! ღმერთი მოწამე დათმეთ, რის დათმობაც შეიძლებოდა.

მოლაპარაკება დიდხანს გაგრძელდა. მთელი ღირსებები დაშინებულებისა და კომუნისტისა სრულის დასაბუთებით მოყვანილ იქნა მოკაბთეთა მიერ, მაგრამ მაინც შეუძლებელი შეიქნა ამის გამოარკვევა, თუ რომელ მათგანს უნდა მისცემოდა უპირატესობა, რომელი მათგანის კურსია უფრო მაღალი.

საჭირო დარჩა საქართველოს მთავრობის ჩარევა, რომლის წინადადებით გადასწყდა მოწვეულ იქნას უფრო მრავალრიცხოვანი კონფერენცია. ჩვენ დიდის სიამოვნებით ვეგებებით ამ გადაწყვეტილებას მაგრამ ამასთან ერთად სრული დარწმუნებული ვართ, შერიგება ვერ მოხდება თუ გაცვლა-გამოცვლა ბრინჯზე, ტყავზე ან სხვა რამე საგანზე არ მოხდა და ამგვარათ სისხლის ღვრა აუცილებელი იქნება.

მორიელი.

საბჭოთა რუსეთის გამოჩენილი მსახიობი ლევ ტროცკი თავის სხუგეთესო როლებში.




იულიოს კეისარი. თავს დაუნა მიმკობს, ტანსა ტოვა. ვარჯკეისარი!
ვინც არ მირწმუნებს, მისთვის ხელთ მაქვს მზათ მე ისარი!



ფრიდრიხ დიდი. ზედ ჩემზედ არის გამოკრილი რთული როლი დიდ ფრიდრიხისა...
აქ საკმაოა გამოჩენა თავბედობის და დიდ რიხასა!




ნაპოლეონი. აბა სტეფას ვინემ მიუღვამლათ, რით არ ვგევარ ნ პოლეონსა.
ნაპო მაკლია მხოლოდ, თორემ მეძახიან მეც ხომ ლეონსა!



ვლადიმერ მონ-ამახი. მძიმე ყოფილხარ, ჰოი ქუდო წონოდაცხისა!
ქუდი კი არა, ხაფანგის ხარ მსგავსი, ჯახისა!

უხვი მგზავრი.



მგზავრი. ჰა, შეეტლევ, 500 მანათი... ხომ გეყოფა?
შეტლევ. რასა ბრძანებთ, ბატონო! სულ ათი თუმანი მერგება, 40 თუმანს ხურდას მოგართმევ...
მგზავრი. არა, გეთაყვა... ხურდა არ მინდა... შენ საწყალი კაცი ხარ... გქონდეს ეგ ფული... ჩვენ, კომუნისტები, საწყალი ხალხის მომხრეები ვართ... კიდევ თუ დაგჭირდეს დახმარება, ჩვენთან მოდი, ჩაეწერე და დაგეხმარებით.

გ მ ი რ ი.

გმირი ის არის ვინაც რომ მუშტებით სწყვეტს სამართალსო, ან ის, ვინაც იერუსალიმს იესო ქრისტე მიიყვანა.

სოლ. ზურგიელიძე. XV ტ. სტ. 176

პეტრე და პავლე გულიანათ იცინოდენ. რესტორან „დავლიოთ“-ის პატრონს დანა კბილს არ უხსნიდა.

ცალკე კაბანეტიდან მოჭეიფეთა მხარული ხარხარი ისპოდა. ეტყობოდა ქართველები იყვენ. დრო გამოშვებით ცელური მრავალ გამოერის ნარ-ნარი

ჰანგი ბუზებით, ობობებით და თამბაქოს ბოლით გაშვეებულ ჭერს ეალერსებოდა.

— კაცო, საიდან გამოიწერე ასეთი მუშტრები?.. სიცილით ეკითხებოდა პავლე ნესტორას („დავლიოთ“-ს პატრონს ასე ერქვა) რას დახარჯავენ.


— დახარჯვით სიცოცხლე გაქვს—ჩაერია ლაპარაკში პეტრე—მაგრამ გადახთის კი რა მოგახსენო. ხა, ხა, ხა...

— მართლა, კაცო, „ნალოგში“ გამოუქვითე...

— „ნალოგი“ გუშინ წაიდეს. ამოხვწვით უპასუხა ნესტორმა.

— ხა, ხა, ხა! ეს ნამდვილი ინგლისური პოლიტიკაა! ხა, ხა, ხა! ჯერ გადასახადი აკრიფეს

რეგისტრაცია.



ვინაიდან თბილისელ კომუნისტებს ფრიალ დიდი გასავალი აქვს კატორგელებში და საუკეთესო ნიადაგი ციხეში (იხ. კატორგელების წერილები „კომუნისტში“), სჯობია მოღვაწეობა მეტეხში გალაიტანონ, რადგან აქ უფრო ადვილათ მოაწყობენ პარტიული ამხანაგების რეგისტრაციის საქმეს...

და შემდეგ იქიფეს, წალი გამოუქვითე ეხლა. ხა, ხა, ხა!

კარებში ახალგაზდა გამოჩნდა.

— სად არიან ჩვენები? შეეკითხა რესტორანის პატრონს.

— მე-№ 5.

ყმაწვილი მეტათ აღლევებული ოთახში შეიქრა.

— ბატონებო! მე ვერ წარმომიდგენია როგორ შეგიძლიათ თქვენ აქ იქიფოთ, როცა ასეთი ამბები ხდება...

— რა ამბები, კაცო?

— ინგლისელები წავიდნენ?

— ქართველები ხომ არ შემოსულან?

— დავიღუბეთ კაცი და ეს არის.

— მოისმინეთ, ბატონებო, მოისმინეთ. ინგლისელები არც წასულან და არც მიდიან. ევრც ქა-

რთველები ეღირსება აქ შამოსვლას. საქმე სულ სხვაშია. ძაღლის თავი სხვაგანაა დამარხული. ვილაკამ გაგვწერა გაზეთში: თითქოს ჩვენ ქრთამს ვიღებდეთ. ფულით, თუ რესტორანებში უფასოთ ქეიფობით, თუ სხვა რითინე—სულ ერთია. უშთავრესი ისაა, რომ ჩვენ ქრთამს ვიღებთ. ბატონებო, გაგონილა ეს? წარმოგიდგენიათ? ჩვენ მექრთამეები? ნესტორ.

შემოვიდა რესტორანის პატრონი.

— ჩვენ მექრთამეები ვართ?

— რას ბრძანებთ ბატონო!

— ჩვენ გვიქიფნია ოდესმე და ფული არ გადავიხდით?

— რა გეკადრებათ ბატონო! დღევანდელ ნახარჯს, ბატონო, თქვენ გადაიხდით.

— შენ დღევანდელ ნახარჯზე არ გელაპარაკებიან. სულ რომ არ მოგცენ არც მაგით დიფსები.

— ბატონებო, მიმართა მოქიფებებს, ხომ დარწმუნდით ახლა, რომ ჩვენ მექრთამეები არ ვართ? აბა ახლა ყური უგდეთ რა სწერია „ეშმაკის მათარაზში“.

და წაიკითხა „კოსტიუმი“.

— ამის მოთმენა შეუძლებელია, დაიწყო სიკომ, რომელსაც მეტ სახელათ გმირს უწოდებდენ. ამას პასუხი უნდა გავსცეთ. ეს სლუჩაინი ვილაცა თავს იგდებს.

— ბატონებო!—სთქვა მეორემ. ჩვენ რომ მე 15 საუკუნეში ვცხოვრობდეთ გავგებარდებოდა კიდევ გაზეთში გაწერა. მაგრამ მეოცე საუკუნეში! ნურას უკაცრაფათ ბატონო! მიიღებს პასუხს. ჩემი წინადადება: მიენდოს გმირს გაცეს პასუხი ვილაც სლუჩაინია, რასაკვირველია, ჩვენებურათ, როგორც ჩვენისთანა კულტუროსან ხალხს შეეფერება.

წინადადება ერახებით მიიღეს. ქეიფი გაგრძელდა.

— თეო, შენი ჭირიმე მიმეგზავნე კონსულთან. ეხვეწებოდა თმა აბურძგვილი და ფერწასული გრ. სლუჩაინი ამხანაგს. მე კარგათ არ ვიცნობ ნიკოს. როგორმე მომიწყვე საზღვარ გარეთის პასპორტი მომცეს.

თეომ გაკვირვებით თვალები დაქუცია და, თითქოს იალბუზის მთაზე იდგეს და მოსაუბრე კი თერგის ხეობაშიო, ისე გადმოხედა სლუჩაინს.

— კაცო, საზღვარ-გარეთ რა გინდა? სპეკულიაცია ხომ არ დაგიწყია?..

— რის სპეკულიაცია. ხომ წაიკითხე კვირას ეშმაკის მათარაზში „კოსტიუმი“.

— წაიკითხე. საუცხოვო იყო.

— დღეს დილაზე გიორგი შემხვდა და მითხრა: არსად გამოჩნდე, დამალე, თორემ ცოცხალს არ გაგიშვებენ, ძალიან გემტერებიანო. ღმერთო, რა ხალხში ჩავარდი!

რას ამბობ, კაცო!—ამჟღავნებდა თეო საწყალ სლუჩაინს. ველურები ხომ არაა, კაცებია. რავე გავლახვენ. თუ შეურაცყოფილათ გრძნობენ თავს პრესის საშვალებით გაგცემენ პასუხს. თუმცა სიფრთხილეს თავი არ სტკივა. ცოტა ხანს მოერიდე.

საკანდიტროში ნუ მოხვალ ამ ერთ კვირას, გზაზე ნუ შეეფოები.

და წავიდა საწყალი სლუჩაინი სახლში, რომ ერთ კვირას არ გამოსულიყო.

თეო რო სლუჩაინს ამჟღავნებდა, ჯაბარი საკანდიტროში იჯდა. მისი შუბლი ისე დაბურულიყო ფიქრებისაგან, თითქოს ქვეყნის ბედს სწყვეტსო.

— თქვენი გვარი? შეეკითხა ჩაფიქრებულ ჯაბას ახლათ შემოსულ კმაწვილი, რომელსაც მეტ სახელათ, „გმირს“ უწოდებდენ.

ჯაბამ გაკვირვებით ჩათვალა:

— თქვენ, როგორც გეტყობთ, ღვინოსთან ცუდ განწყობილებაში უნდა იყოთ.

— მე გეუბნებით თქვენ... დავიწყებთ გაზეთში არა? თქვენ... ზნაჩტი მი ვზიატი ბერომ... ა! ვზიატი ბერომ... ზნაჩტი სლუჩაინი ვი ა...

და დაიწყო აყალ მაყალი. 1/2 დღეშია გმირები მიკსიენ ჯაბას და სიკვდილს უპირებდენ. გააშველეს.

ახლათ ამოსული მზის სხივებში მზიარულათ ცეკვავდენ ჯაბას მელოტ თავზე. თავჩალუნული გმირი იდგა მის წინ და ბოდიშს იხთიდა

— მპატიეთ. მთვრალი ვიყავი.. შევეცით... ღმერთი—რჯული არას დროს აღარ ჩავიდენ..

იქვე კუთხეში სლუჩაინი იჯდა და ღმერთს მადლს უხთიდა, რომ „გმირს“ შეეშალა და ჯაბარი მიიღო სლუჩაინათ. თან ფიცს სდებდა:

— ღმერთო ახლა გადამარჩინე და არას დროს აღარ დავწერ ასეთ ხალხზე, არას დროს.

Se—ეტ

P. კ. ბ.—ნო ეშმაკო! მოახთინე ფიცხელი განკარგულება, რომ სლუჩაინმა ისევ სწეროს. ხანდახან მაინც შეინჯღრევა ბაჟუმის გმირთა დამინებულ სინდისი. თუმცა სოლ, ზურგიელიძემ სთქვა „კოკაში თხლე რაც უნდა ანჯღერიო ღვინოთ მაინც არ გადაიქცევაო.“

30/VI-20

Se—ეტ.



სასიქადულო თანამეძამულე



დიდება-მოსილი და სახელ-განთქმული კომუნისტი

ჩეკო სოვნარხოზაშვილი.

ჩეკო (ჩევაზ) სოვნარხოზაშვილი დაიბადა სამეგრეოს იმ ზღანეტაზე, რომელსაც დედამიწა ჰქვია, სახელად იმ ადგილას, სადაც მეცამეტე მერიდიანი ჩრდილო სივრცის ორმოცდა მესამე გრადუსს სასს ჰყვდება.

სახელი მოიხვეჭა აფხაზეთის, ოსეთის, და სამაჭმადიანო საქართველოს პროლეტარულ მასების საქართველოს წინააღმდეგ ბრძოლაში.

დაარიგა შემოხამოთვლილ მხარეებში 57 მილიონი ნიკოლოზის ფული და 159 მილიონი კერეზა.

ამ კამბაღ თბილისში იმყოფება და კომუნისტების მისიაში მუშაობს საქართველოსა და რუსეთს შორის დადებულ ხელშეკრულების გასაბათილებლათ.

ჩეკო სოვნარხოზაშვილის საბიოგრაფო მასალების შეგროვებას და პიროვნების დასასიათებას ჩვენი ჟურნალი შემდეგ №№-ში შეუდგება.

ვთხოვთ უკვლას, ვინც იცის რამ ამ შესანიშნავი ადამიანისა, დაუკონებლივ მოაწოდონ ჩვენს რედაქციას, რათა არ დაგვრჩეს გაუქმებული არც ერთი მხარე ჩვენის ეოვლად შესანიშნავი თანამეძამულის მოღვაწეობისა.

სცენა აჭარის ცხოვრებიდან.

იმ დღეს, კოო, ყანაში ვმუშაობდი ფერდოზე, გამოძვრა ვინცა ტყიდან და დიმიწყო ბზერა: „ბელქი, დეფიშმანდი, ვინ უნდა იყოს აგი მეთქი, მევირე ლივერზე ხელი და შუუძახე: ეეეეე, ვინ ხარ კაძახო? თქვი ბორჯზე, თვარა მევიდა ყურ-შუმი შუბლში მეთქი...

ნუ გეშინია, აფხანიგო, შე გლახა კაცი არ ვარო, მოუდა ახლო და მითხრა გამარჯობა!

- გაგმიარჯოს.
- სედლოური ხარ?
- აჰა' ელი!
- აგი მაწა ვისია?
- ვინც მუშაობს ქისია!
- ახალი ამბავი იცი?
- ჯერე არა!
- რამე პარტიაში ხარ?
- კი!
- რა პარტიაა?
- ცოლშვილიანების
- მაგი არა, სხვა პარტიაში თუ ხარ?
- არა,
- როგორ უყურებ საქართველოს?
- აქიდან კარგად ვერ უყურებ, აგი ტყვი მი-შლის...

— არა, ისე რაა ზრის ხარ საქართველოზე, ხომ იცი, რომ შემოვიდენ?

— ვიცი და მიხარია კიდევ, მარა შწყინობს, რომ იგინის მოსვლა ვერ ვნახე არ მეცალა.

- რა გაქ გასახარი?
- რა მაქ სატირელი?
- ქართველების მთავრობას კარგად იცნობ?
- ვიცნობ!
- მოგწონს?
- შენზე უკეთესათ.
- მერე იცი რა ხალხია?
- ახლა იგიც მკითხე ვინ სად დეიბადა და როის მდინათლა.
- შენ სცდები, სჩანს არ იცნობ მათ, ისინი, ამხანაგო, მოღალატეებია.
- შენ გიღალატეს?
- შე კი არა, თქვენ, ამხანაგო.
- ჩვენ რაზე?
- ნუ თუ არ იცი, რომ მთელი აქარის ტანი მოატყუეს და ისე შემოვიდენ, იმათ უნდა თქვენი განადგურება, სარწმუნოების მოსპობა და თქვენი ქონების მითვისება...

— ვინ მოგართვა ლაპორტი, ან სეიდან გევიგ აგინი?

— მე საწყლების, ღარიბ-ღატაკთა პარტიის კაცი ვარ, ჩვენ ყველგან ჩვენი აგენტები გვყავს და

ვიცი, სად რა ხდება, ახლა თქვენ უნდა აჯანყდეთ, სასმელი, საჭმელი, თოფი, იარაღი და ფულე-ბი რამდენიც გინდათ, მიიღეთ ჩვენი პარტიიდან...

- ფული ბოური გაქვან?
- მილიონობით,
- იარაღიც?
- რამდენიც გინდათ.
- ვინ მოგცათ?
- ვინც მოგვცა, გეუბნები ყველაფერი ბევრი გვაქვს...

— შენ ან ერთში სტყუევი, ან მუურეში, შენ თქვი: ჩვენ ღარიბების პარტიეს ვართო, თუ ღარიბები ხართ, მილიონებს თქვენთან რა უნდა, და თუ მილიონები გაქვენ მაშინ საწყლები სეიდან ხართ?

— არა, ამხანაგო, შენ არ გესმის საქმე რაშია...

— მართალია, ამდონხანს ყრუი ვიყავი, აფერი მეყურებოდა, ყველგ ჩვენ გვატყუებდა, მარა ახლა ყორიფელი ვიცი, იგიც ვიცი რომ შენ ჩემი მოტყუება გინდა, მარა იცი რას გეტყვი, ძიავ; გადი აქიდან, გამშორდი, ის ტყიდგან რავაც გამოძვერი, ისთავე შეძვერი თვარა, რჯულს ვფიცავ, ოთხ-ხუთს ნახვრეტს გაგიკეთებ გვერდებში.

— შე წავალ, მარამ ბოლოს ინანებ ნახავ რა დღეს დაგაყენებენ...

— ოღონ თქვენისთანებმა დაგვეთხოუს, და ჩვენ და ქართველები ყოლთვის მოვრიფდებით, სიკეთისა მეთი ქართველობს ჩვენდა სიავე არ უქნია?

— ოჰ, შე სულელიო, რეებს ყბედობ.

— ჰაიღე მეთქი, თვარა მოუდა ყურშუმი, ერთი კი შემხენდა ცოფიან ძაღლსავით, მოტრულა და სცვითა თავი ტყეში ტურასავით...

რ. ჯიბილ.

საზიზღარი ჭკარი.

თავასის თემი (შორაზნის მახრა).

ბოროტმა ენებმა ხმები გაავრცელეს, თითქო თავასის თემში დეზერტირები აღარ იმყოფებოდეს. ამის გამო, თემის გამგეობა (ნ. წიწილაშვილი, ა. საყვარელიძე და დ. ლოლაძე) სახალხოთ აცხადებს, რომ ჩვენს თემში დეზერტირებიც, ინდაურებაც, ნედლი თევზიც, პურიც და დღინოც მრავლათ მოიპოვება. ვინც ასეთ ცრუ ხმებს ავრცელებს კეთილ ინებოს მობრძანდეს და საკუთარის თვლით დარწმუნდეს, რომ ჩვენ ყველაფრით მდიდარი ვართ, ხოლო განსაკუთრებით კი დეზერტირებით.

მუხის ძირელი.

ჩრესვიჩაიკაში



— რა დაშავა ამ კაცმა ამდენ ხანს რომ ციხეში ალობობთ და ბრალდებას კი არ ეუბნებით?
 — არაფერიც არ დაუშავებია. ეს მოწმეა და შიტომ ზის აქ. სადა გვაქვს იმისი თავი რომ ყოველთვის დავიბაროთ ხოლმე ჩვენების ჩამოსართმევად ვგრე არა სჯობია? როცა დაგვეკირდება, აქვე გვყავს და ადვილთაღ დაეკითხავთ...

მიიღება ხელის მოწერა

„**ეზმაკის მატკასი**“

ქურნალი თვეში ღირს 40 მან. გამოწერა შეიძლება მხოლოდ სამი თვით, ფასის გადახდა წინდაწინ არის საჭირო.

ქურნალში დასაბეჭდათ მიიღება აგრეთვე **განცხადებები** — შეღავათიან ფასებში.

რედაქცია მოთავსებულია რუსთაველის პროსპექტზე, № 24 (ყოფილი გოლოვინის) და ლიხა დილის 8—2 საათამდე.



ჭართველი მუშა (რუს კომუნისტს). არა, მეგობარო, ჩენი მღვდელი ვერე არა სწირავს!.. შენს საკუთარი ბურჟუაზია ერთბაშით ჩაგიყლაპავს, ფრჩხილებიც კი არ დაგიტოვებია და ეხლა აქ მოსკოლხარ, ვინდა ჩემიც შესანსლო? არა, შეილოსა, ჩაიარე! ეს მსუქანი ლუკმა ჩემი გახლავს, შავი დღასთვის ვინახავ, და ნურას უკაცრავათ, თუ შენ ვერ ჩაგაცეცხლებინო!